



Page: 15

Reach: 0

Country: BOSNIA AND HERZEGOVINA

Size: 371 cm2

1 / 1

Devet osoba uhapšeno je jučer u akciji kodnog naziva Kazanova zbog sumnje da su se kao članovi kriminalne grupe bavili međunarodnom trgovinom drogom. Akciju su u ranim jutarnjim satima na području Hercegovine izveli pripadnici SIPA.

Mobiteli, droga, oružje...

Pripadnici SIPA, uz asistenciju Granične policije BiH, MUP-a HNK-a i MUP-a RS-a izvršili su pretrase objekata na 10 lokacija, i to na području Mostara, Jablanice, Nevesinja i Trebinja, a zbog organizovanog kriminala i trgovine drogom, uhapšeni su Đorđo Tamindžija i Dragan Dragović, oba iz Nevesinja, te Dragan Šarenac i Slobodan Kilibarda, zvani Cicko, iz Trebinja, kao i Edib Bajrektarević, zvani Deps, Edin Kreso, Vladimir Soče i Rudolf Pehar, zvani Rudo, iz Mostara te Šaćir Hamšić iz Jablanice.

Oni su sprovedeni u službene prostorije SIPA u Mostaru na saslušanje, nakon čega su predati Tužilaštvu BiH na dalje postupanje. U pretresima su pronađeni više mobilnih telefona i SIM kartica, određena svota novca, manja količina skanka, naoružanje i drugi predmeti koji mogu poslužiti kao dokaz u daljem postupku.

Prema prikupljenim dokazima, ova grupa je od aprila 2013. do marta 2014. švercovala drogu iz Crne Gore u Bosnu i Hercegovinu i Hrvatsku.

"Akciji Kazanova prethodila je višemjesečna istraga u okviru koje je privremeno izuzeta određena količina skanka i zadoku-

Akcija Kazanova u Mostaru, Jablanici, Nevesinju i Trebinju

DEVET UHAPSENIH ZBOG ŠVERCA HEROINA I SKANKA

Privedeni Đorđo Tamindžija, Dragan Dragović, Dragan Šarenac, Slobodan Kilibarda Edib Bajrektarević, Edin Kreso, Vladimir Soče, Rudolf Pehar i Šaćir Hamšić



Sa privođenja osumnjičenih u prostorije SIPA

mentirana međunarodna trgovina drogom iz Crne Gore u BiH i Hrvatsku u saradnji sa policijskim organima Hrvatske", navedeno je u saopštenju SIPA.

Iz Tužilaštva BiH saopšteno je da će postupajući tužilac u zakonskom roku ispitati osumnji-

čene osobe i nakon toga odlučiti hoće li za njih Sudu BiH uputiti zahtjev za određivanje mjere pritvora ili mjera zabrane.

Akcija Kazanova je, kako se moglo čuti, dobila naziv upravo zbog Đorđa Tamindžije, navodno, poznatog po napadnom udvaranju

djevojkama. On je još prije šest godina nepravomoćnom presudom Općinskog suda u Ljubuškom dobio tri godine zatvora zbog nabavke i krijumčarenja 505 grama heroina iz Nevesinja u Grude. Prema toj optužnici, Tamindžija se 9. oktobra 2007. uputio iz Nevesinja

u Grude u namjeri da posredstvom čovjeka iz grudskih Ružiča proda heroin. Međutim, dolaskom u Ružiče, zaustavila ga je policija i u vozilu pronašla drogu. Tamindžija se u to vrijeme teretio da je skupa s još trojicom iz Trebinja ukrao mercedes, te da je umiješan u krađu drugih automobila.

Slučaj Olena Popik

Mostarac Edin Kreso također je od prije poznat policiji. On je u više navrata hapšen zbog međunarodne trgovine drogom, a privođen je i u akciji Prenj, kada je uhapšeno 28 osoba. Podsjetimo, Kreso je još 2005. u Sudu BiH osuđen na sedam mjeseci zatvora zbog trgovine ljudima i navođenja na prostituciju u slučaju Olena Popik. Radi se o Ukrajinici koja je u oktobru 2004. preminula od AIDS-a u mostarskoj bolnici, a bolovala je i od milijarne tuberkuloze, hepatitisa C i sifilisa.

D. P.